

Pleiv Dardin

Uorden ed organisaziun dallas processions

Cussegl pastoral
2011/2012

1. Il senn dalla procession

„La via unescha sil mund bia carstgauns,
aschia pulsescha la veta dil mund.
Ti, Cristus, ch'ei ius culs giuvnals ad Emmaus,
cumpogna er nus, ti ch'ei via e punt.
(Alleluja nr 47)

- 1.1 La via, il semetter sin via ed esser sin via ein maletgs che nus entupein savens ella Bibla. Numerusas ein las historias che resdan dil Diu ch'ei sin via cun ses carstgauns; historias dil Diu che tarmetta carstgauns sin via, historias dil pievel cartent ch'ei sin via cun Diu e tier Diu. Talas historias biblicas han da vegl enneu inspirau ils fideivels da veser e capir lur veta e lur cardientscha sco via.
„Semetta sin via! Banduna tia patria e tia parentella e va en ina tiara ch'jeu vegn a mussar a ti“ - di Deus ad Abraham - e „Jeu vi benedir tei e ti dueis esser per biars ina benedicziun“ - ei l'empermischun che Abraham survegn cun el sin via (Gen 12,1-3).
- 1.2 Quei esser sin viadi sco cartentAs vulan las processions oravontut far veseivel. Deus tarmetta nus sin via, e cun el e sia benedicziun essan nus sin via e mein nies viadi dalla veta. Quei ei il patratg il pli central che stat davos las processions.
- 1.3 Las cruschs (cafanuns) che vegnan purtadas da procession ein simbols che muossan co nies viadi ei era signaus dalla crusch, mo cuntegn gia la speranza pascala che Cristus victoriescha era en nus. Bandieras, cafanuns, las statuas da Maria e dils sogns regordan nus vid il fatg che nus essan adina e dapertut era cumpignai dalla mumma da Jesus e dils sogns. Plinavon muossan nossas processions che nies Diu vul buc esser mo en baselgia cun nus, mobein ch'el vul esser cun nus era en nies mintgadi da

lavor e stenta, en nossa publicitad sco en tuttas activitads da nies vischinadi.

2. Ponderaziuns

- 2.1 Ina processiun ei biala e dat perdetga ton da nossa cardientscha sco era da nies esser sin via cun la Baselgia pelegina, aschilunsch sco ella sesplegia en in bien uorden e cun in cert ruaus.
- 2.2 Ina processiun ligia nus cun nos perdavons che han introduciu e tgirau lur tradiziuns. Nus fagein perquei tut il pusseivel che nossas processions vegnan buca reducidas sin 'events' folcloristics.

3. Responsablads

- 3.1 Il cussegl pastoral /sectur cuminonza elegia ina persuna che surpren la responsablada per las processions.
- 3.2 Pensum da quella persuna:
 - λ Orientar ed organisar ad uras ils porta-bandieras, portacruschs (era statuas) ed ils porta-baldachin. Buc emblidar l'uniun da giuventetgna.
 - λ Organisar e coordinar en baselgia la successiun dallas gruppas.
- 3.3 Ils 4 porta-baldachin
Il baldachin vegn purtaus da quels che portan el dalla tradiziun enneu. Remetta in parochian siu uffeci enquera il responsabel in successur.

4. Processions en pleiv

La pleiv da Dardin enconuscha las suadontas processions:

- procession dallas rogaziuns (dalla fiasta d'Anceinza)
- procession da Sontgilcrest
- procession da perdanonza

5. Appendix che s'auda tier quest uorden dallas processions:

- 5.1. Processions:
 - intent da quella
 - termin, la ruta, tgei sto vegnir semtgau (bandieras e.t.c.)
 - successiun dallas gruppas e bandieras

5.2. Ils cafanuns (foto e motiv)

Quest uorden ei vegnius surluvraus ed adattaus dil cussegl pastoral dallas pleivs da Breil.

Breil, la stad 2011/2012

La menadra dil sectur cuminonza

Annadora Friberg

Rogaziuns	
termin	La fiasta d'Anceinza
uorden requisits	Ina crusch ministrant 2 ministrants Aua benedida
organisar	
la ruta	Entschatta avon baselgia parochiala ed encunter Casu
successiun da processiun	Crusch - ministrants - spiritual – affons e carschi
muntada	Urond e meditond semettein nus sin via ed implorein il Segner per sia benedicziun e protecziun. Nus essan sin via cun nos giavischs e nossas supplicas per ina buna carschientscha da praus e pradas, Orts ed uauls, sco era per ina buna prosperitad da scadina lavur e stenta che vegn prestada en nossa cuminonza.
Remarcas	Texts biblics per processiun e messa: Dt 8,7-18 per la staziun duront processiun Dt 28,1-6.11 lecziun all' entschatta dalla messa Mt 25,31-40 Evangeli

Sontgilcrest	
Termin	Gievgia suenter la dumengia dalla SS.Trinitad / 60 dis suenter Pastgas
Uorden requisits	Baldachin - Monstranza - entscheins - aua benedida - bandieras – stgalins, badugna avon baselgia. Flurs sin via.
Organisar	Altar ella Crusch dadens Chistivet, ev. organisar sco entochen dacheu.
La ruta	Entschatta avon baselgia encunter Capeder, altar ella crusch e benedicziun, retuorn avon baselgia, canzun A nr 2.
muntada	Fiasta dil ss. sacrament digl altar. Jesus Cristus ch'ei il paun vivent per la veta dil mund, el ei vivonda celestiala sin nies viadi e pelegriadi tras la veta. Cun monstranza e baladachin vegn il paun eucaristic purtaus en processiun tras il vitg. Fa endamen che Cristus ei buca mo en baselgia mobein era leuo ella veta da mintgadi cun nus sin via ed ei era leu per nus sustegn e vivonda.
remarcas	

Successiun processiun da Sontgilcrest


1. Dirigent e musica
2. Bandieras dils mats
3. Cafanun melna
4. Affons
5. Cantaduras e cantadurs dil chor
6. Cafanun s. Bistgaun
7. Crusch
8. Bandieras ministrants
9. Premcommunicants
10. Ministrants
11. Baldachin e Sontgissim
12. Umens
13. Cafanun dall'uniun da dunnas e mummas
14. Dunnas

Perdanonza	
Termin	La dumengia cun il datum pli datier dils 19 da fenadur
Uorden requisits	Baldachin - partecla - entscheins - aua benedida - bandieras, Nossadunna e Babin
Organisar	Oriental premcommunicants 4 ministrants, 2 banideras da ministrants, 4 affons pil Babin e giuvnas che portan Nossadunna. Meisa dadens la crusch vegn organisada entras al calustra.
La ruta	Sco Sontgilcrest, enstagl dil altar procura la responsabla dalla processiun per ina meisa da metter si Nossadunna. Processiun encunter Gliz (tochen o la crusch).
muntada	
remarcas	

Successiun da processiun Perdanonza

1. Dirigent e musica
2. Bandieras dils mats
3. Cafanun mellen
4. Affons
5. Cafanun s. Bistgaun
6. Vut da s. Bistgaun
7. Bambin
8. Nossadunna
9. Cantaduras e cantadurs dil chor
10. Bandieras ministrants
11. Premcommunicants
12. Ministrants
13. Baldachin e Sontgissim
14. Umens
15. Cafanun dall'uniun da dunnas e mummas
16. dunnas

Maletgs dils requisits



Cafanun mellen /crusch melna



Cafanun da sogn Bistgaun e Nossadunna (Capeder)



Vut da sogn Bistgaun



Bambin



Nossadunna



Bandiera ministrants



Bandiera ministrants



Baldachin

Uniu da mummas e dunnas